



МОНГОЛ УЛСЫН 2023 ОНЫ НЭГДСЭН ТӨСВИЙН ГҮЙЦЭТГЭЛД ХИЙХ АУДИТАД АЖИЛЛАХ ШИНЖЭЭЧИЙН АЖЛЫН ДААЛГАВАР

2024 оны 4 сарын 29 өдөр

Дугаар УАГ/АД-2024-11 Улаанбаатар хот

Ажлын зорилго: Шинжээч нь Монгол Улсын 2023 оны нэгдсэн төсвийн гүйцэтгэлд хийх аудитад судалгаа, дүн шинжилгээ хийх, мэргэжлийн шинжээчийн дүгнэлт өгөх, зөвлөмж боловсруулахад энэхүү ажлын зорилго оршино.

Ажил гүйцэтгэх хугацаа: Шинжээч нь 2024 оны 05 дугаар сарын 13-ны өдрөөс 2024 оны 6 дугаар сарын 07-ны өдрийг хүртэлх хугацаанд ажиллаж, шаардлагатай тохиолдолд Монгол Улсын 2023 оны нэгдсэн төсвийн гүйцэтгэлийг УИХ-аар хэлэлцүүлэх үе шатанд аудитын тодруулга, тайлбар бэлтгэж ирүүлнэ.

Байршил: Үндэсний аудитын газрын байр болон Сангийн яамны 9 дүгээр давхрын хурлын өрөөнд байрлан ажиллана.

НЭГ. ЕРӨНХИЙ МЭДЭЭЛЭЛ

Төрийн аудитын тухай хуулийн 6 дугаар зүйлийн 6.3.1, 6.3.3-т заасан бүрэн эрхийн хүрээнд Улсын Их Хурлын Төсвийн байнгын хорооны 2023 оны "Аудитын сэдэв батлах тухай" 08 дугаар тогтоол, Монгол Улсын Ерөнхий аудиторын 2023 оны "Аудитын жилийн төлөвлөгөө батлах тухай" А/152 дугаар тушаалын дагуу "Монгол Улсын 2023 оны нэгдсэн төсвийн гүйцэтгэл"-д аудит хийнэ.

Төрийн аудитын тухай хуулийн 17 дугаар зүйлийн 17.1 дэх хэсэгт "Төрийн аудитын байгууллага чиг үүргээ хэрэгжүүлэхдээ шинжээчийг зохих журмын дагуу томилон ажиллуулж болно" гэж заасны дагуу ажил гүйцэтгэх, шаардлагад нийцсэн мэргэшсэн, ажлын туршлага бүхий шинжээчийг аудитад оролцуулна.

ХОЁР. ГҮЙЦЭТГЭХ АЖИЛ, ҮҮРЭГ

Шинжээч нь Монгол Улсын 2023 оны нэгдсэн төсвийн гүйцэтгэлд аудит хийх Үндэсний аудитын газрын Санхүү-нийцлийн аудитын газрын аудитын багийн бүрэлдэхүүнд орж дараах чиглэлүүдээр судалгаа, шинжилгээ хийх, дүгнэлт зөвлөмж боловсруулах, аудитад туслах ажлыг гүйцэтгэнэ. Үүнд:

2.1 Монгол Улсын 2023 оны нэгдсэн төсвийн төлөвлөлт, гүйцэтгэлд судалгаа, дүн шинжилгээ хийх;

2.2 Монгол Улсын 2023 оны төсөв нь мөнгөний бодлоготой уялдаж байгаа эсэхэд дүн шинжилгээ хийх;

2.3 Монгол Улсын 2023 оны төсвийн бодлого нь төсвийн тогтвортой байдал, "Алсын хараа 2050", Монгол Улсыг 2021-2025 онд хөгжүүлэх таван жилийн үндсэн чиглэл, Засгийн газрын 2020-2024 оны үйл ажиллагааны хөтөлбөр, Улсын хөгжлийн 2023 оны жилийн төлөвлөгөөтэй уялдсан эсэхэд дүн шинжилгээ хийх;

2.4 Засгийн газрын өрийн тайланд дүн шинжилгээ хийх, дүгнэлт өгөх;

2.5 Төрийн хэмнэлтийн тухай хуульд тусгагдсан заалтууд бүрэн хэрэгжиж боломжтой

эсэхэд дүн шинжилгээ хийх, дүгнэлт зөвлөмж өгөх;

2.6 Аудитын дүнд үндэслэн нотолгоонд суурилсан шинжээчийн санал, дүгнэлт, зөвлөмжийн төсөл боловсруулах;

Шинжээч нь Санхүү-нийцлийн аудитын газрын захирал, аудитын менежер болон ахлах аудиторын өгсөн чиглэл, арга зүйн дагуу аудитыг гүйцэтгэнэ.

Аудитын явцад олж авсан мэдээллийг төрийн аудитын үйл ажиллагаанд ашиглахаас өөр зорилгоор хөндлөнгийн этгээдэд дамжуулах, хувийн буюу бусдын ашиг сонирхлын төлөө ашиглуулах эрхгүй бөгөөд мэдээллийн нууцыг чанд хадгална.

Шинжээч нь аудитыг гэрээний хугацаанд багтаахын тулд илүү цагаар ажиллана.

ГУРАВ. АЖЛЫН ХАМРАХ ХҮРЭЭ

Шинжээч нь Монгол Улсын 2023 оны нэгдсэн төсвийн гүйцэтгэлд аудитыг гүйцэтгэх Санхүү-нийцлийн аудитын газрын аудитын багийн бүрэлдэхүүнд орж ажиллах ба байгууллага дээр багийн хамт очиж аудитыг гүйцэтгэнэ.

Монгол Улсын 2023 оны нэгдсэн төсвийн гүйцэтгэлийн бүрэлдэхүүн, холбогдох бусад баримт материалыг хамруулна.

ДӨРӨВ. ХҮЛЭЭГДЭЖ БУЙ ҮР ДҮН, БҮТЭЭГДЭХҮҮН

Шинжээч нь ажлын даалгаварт тусгагдсан зорилгыг хэрэгжүүлж, ажил үүргийн хуваарийн дагуу хамрах хүрээний ажлыг Төрийн аудитын тухай хууль, Монгол Улсын Ерөнхий аудиторын 2020 оны А/106 дугаар тушаалаар баталсан “Төрийн аудитын байгууллагаас аудит хийх журам”-д нийцүүлэн гүйцэтгэж, аудитын гүйцэтгэлийн үе шатанд судалгаа, дүн шинжилгээ, тооцоолол хийж, тайлагналын үе шатанд аудитын тайлан бичиж, аудитын дүнд үндэслэн дүгнэлт, зөвлөмж боловсруулах бөгөөд ажлын баримтыг аудитын багт цаасан болон цахим хэлбэрээр хүлээлгэж өгнө.

Ажлын даалгаварт заасан ажил үүргийг гүйцэтгэхдээ ахлах аудитор, аудитын менежер, газрын захирлын өгсөн чиглэлийн дагуу тухай бүр чанартай, түргэн шуурхай гүйцэтгэж, аудитын дүгнэлт, зөвлөмж, ажлын тайлан бэлтгэсэн байна.

ТАВ. УДИРДЛАГА, ЗОХИОН БАЙГУУЛАЛТ

Гүйцэтгэх ажил үүргийн хүрээнд аудитыг гүйцэтгэж байгаа шинжээч нь Санхүү-нийцлийн аудитын газрын аудитын багтай хамтран ажиллах бөгөөд шаардлагатай дэмжлэг, туслалцааг тус газраас үзүүлнэ.

Ажлын даалгаврыг гүйцэтгэхээр шалгарсан шинжээч нь ажил эхлүүлэх болон үүсэж болзошгүй хүндрэл бэрхшээл, эрсдэлээс урьдчилан сэргийлж, захиалагч /Үндэсний аудитын газар/-тай урьдчилсан уулзалт, ярилцлага хийх, шаардлагатай асуудлаар нэмэлт тодруулга авч ажиллаж болно.

Аудитын явцад илэрсэн зөрчил, шийдвэрлэх боломжгүй асуудал үүссэн бол тухай бүр захиалагч талын холбогдох албан тушаалтанд шууд мэдэгдэнэ.

ЗУРГАА. ТАВИГДАХ ШААРДЛАГА БОЛОН АЖЛЫН ТУРШЛАГА

Шинжээч нь Үндэсний аудитын газартай хамтран ажиллахад аудитын үйл ажиллагаатай холбоотой төр, байгууллага, хувь хүний нууцад хамаарах мэдээллийг задруулахгүй байх, ашиг сонирхлын зөрчилгүй гэдгээ бүрэн илэрхийлсэн байх бөгөөд иж бүрэн түншлэлийн чиглэлээр хамтран ажиллана.

Монгол Улсын хууль болон холбогдох хууль тогтоомжийг үйл ажиллагаандаа мөрдлөг болгон гэрээ, ажлын даалгаварт заасан ажлыг мэргэжлийн болон чанарын өндөр түвшинд хийж, шаардлагатай судалгаа шинжилгээ, тооцоо, тайлан бусад ажлыг хугацаанд нь үнэн зөв чанартай хийж гүйцэтгэнэ.

Тавигдах шаардлага болон ажлын туршлагын хүрээнд шинжээч нь

- Төсвийн төсөл, төсвийн гүйцэтгэлээр макро түвшний судалгаа, дүн шинжилгээ хийж байсан ажлын туршлагатай;
- Санхүү, эдийн засгийн мэргэжилтэй;
- Санхүү, эдийн засгийн чиглэлээр эрдмийн зэрэг, цолтой;
- Мэргэжлийн гадаад хэлний мэдлэгтэй.

ДОЛОО. АЖЛЫН КАЛЕНДАРЧИЛСАН ТӨЛӨВЛӨГӨӨ

Ажлын цагийн үзүүлэлтүүд		1-р долоо хоног /V.13-V.17/	2-р долоо хоног /V.20-V.24/	3-р долоо хоног /V.27-V.31/	4-р долоо хоног /VI.03-VI.7/	Нийт
Ажиллах хоног		5	5	5	5	20
Өдөрт ажиллах цаг		8	8	8	8	160
Аудитын үе шат	Гүйцэтгэх					
	Тайлагнах					

НАЙМ . ТӨЛБӨРИЙН НӨХЦӨЛ

Шинжээчийн ажлын хөлсийг харилцан тохиролцож гэрээнд заасан нөхцөл, хуваарийн дагуу ажлын гүйцэтгэлд үндэслэн олгоно.

___000___